

ზუგდიდის, მესტიისა და წალენჯიხის მუნიციპალიტეტებს შორის შეთანხმება ზუგდიდის, მესტიისა და წალენჯიხის მუნიციპალიტეტებში 2019 წელს განსახორციელებელი სამუშაოების საპროექტო-სახარჯთაღრიცხვო დოკუმენტაციის შედგენის მომსახურების (2018-2019 წლების განმავლობაში) შესყიდვის ერთობლივი ელექტრონული შესყიდვის საშუალებით განხორციელების შესახებ

ქ. ზუგდიდი


2 აგვისტო 2018 წელი

1. მოცემულ ეტაპზე იგეგმება საპროექტო-სახარჯთაღრიცხვო დოკუმენტაციის შედგენის მომსახურებების შესყიდვა სამ ნაწილად:
 - ა) ზუგდიდის, მესტიისა და წალენჯიხის მუნიციპალიტეტებში 2019 წელს განსახორციელებელი ადგილობრივი მნიშვნელობის საავტომობილო გზების, ნაპირდამცავი ან/და ნაპირსამაგრი ნაგებობების, სახიდე გადასასვლელების სამშენებლო-სარეაბილიტაციო სამუშაოებისათვის, ასევე სტიქიური და სხვა ფორსმაჟორული მოვლენების შედეგად დაზიანებული ინფრასტრუქტურის აღდგენისთვის საჭირო საპროექტო-სახარჯთაღრიცხვო დოკუმენტაციის შედგენის მომსახურება 2018-2019 წლების განმავლობაში.
 - ბ) ზუგდიდის, მესტიისა და წალენჯიხის მუნიციპალიტეტებში 2019 წელს განსახორციელებელი წყალმომარაგებისა და წყალარინების ქსელების (სისტემების) მოწყობისა და რეაბილიტაციისათვის საჭირო საპროექტო-სახარჯთაღრიცხვო დოკუმენტაციის შედგენის მომსახურება 2018-2019 წლების განმავლობაში;
 - გ) ზუგდიდის, მესტიისა და წალენჯიხის მუნიციპალიტეტებში 2019 წელს განსახორციელებელი შენობა-ნაგებობების მშენებლობის, რეაბილიტაციის, რეკონსტრუქციის სამუშაოებისთვის, ასევე, სხვადასხვა სახის ინფრასტრუქტურის სამშენებლო და სარეაბილიტაციო სამუშაოებისთვის საჭირო საპროექტო-სახარჯთაღრიცხვო დოკუმენტაციის შედგენის მომსახურება 2018-2019 წლების განმავლობაში.
2. „სახელმწიფო შესყიდვების შესახებ“ საქართველოს კანონის მე-9 მუხლის 1¹ პუნქტისა და „ელექტრონული ტენდერის ჩატარების წესის დამტკიცების წესის შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების მე-10 მუხლის საფუძველზე, ზუგდიდის, მესტიისა და წალენჯიხის მუნიციპალიტეტები ვთანხმდებით, რომ ერთობლივი ელექტრონული შესყიდვის საშუალებით განხორციელდეს ზუგდიდის, წალენჯიხისა და მესტიის მუნიციპალიტეტებში 2019 წელს განსახორციელებელი სამუშაოების საპროექტო-სახარჯთაღრიცხვო დოკუმენტაციის შედგენის მომსახურების (2018-2019 წლების განმავლობაში) შესყიდვა.
3. „ელექტრონული ტენდერის ჩატარების წესის დამტკიცების წესის შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების მე-10 მუხლის მე-3 პუნქტის „ბ“ ქვეპუნქტის შესაბამისად, ზუგდიდის მუნიციპალიტეტმა უზრუნველყოს ერთობლივი ელექტრონული ტენდერის ჩატარება.

4. ზუგდიდის, მესტიისა და წალენჯიხის მუნიციპალიტეტებში 2019 წელს განსახორციელებელი სამუშაოების საპროექტო-სახარჯთაღრიცხვო დოკუმენტაციის შედგენის მომსახურების შესყიდვის მიზნით გამოსაცხადებელი ერთობლივი ელექტრონული ტენდერის ჩატარება უზრუნველყოს ზუგდიდის მუნიციპალიტეტის სატენდერო კომისიამ და სატენდერო კომისიის აპარატმა.
5. „ელექტრონული ტენდერის ჩატარების წესის დამტკიცების წესის შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანების მე-10 მუხლის საფუძველზე ზუგდიდის, მესტიისა და წალენჯიხის მუნიციპალიტეტებში 2019 წელს განსახორციელებელი სამუშაოების საპროექტო-სახარჯთაღრიცხვო დოკუმენტაციის შედგენის მომსახურების (2018-2019 წლების განმავლობაში) შესყიდვის მიზნით გამოსაცხადებელი აუქციონის გარეშე ტენდერის სატენდერო დოკუმენტაციის პროექტი დამტკიცდეს წინამდებარე შეთანხმებაზე თანდართული დანართის შესაბამისად.
6. ამ შეთანხმებას ვეთანხმებით და ვადასტურებთ ხელის მოწერით.

№	მუნიციპალიტეტის დასახელება	მერი	ხელმოწერა
1	ზუგდიდის მუნიციპალიტეტი	ლაშა გოგია	 
2	მესტიის მუნიციპალიტეტი	კაპიტონ ჟორჯოლიანი	 
3	წალენჯიხის მუნიციპალიტეტი	ბესიკ ფარცვანია	 

სამშენებლო სამუშაოების საორიენტაციო ღირებულება

N	მუნიციპალიტეტის დასახელება	საავტომობილო გზების სამშენებლო, სარეაბილიტაციო, ნაპირდაცვის, სახიდე გადასასვლელების სამშენებლო, სარეაბილიტაციო ობიექტებისა და სტიქიის შედეგად დაზიანებული ინფრასტრუქტურის აღდგენისთვის საჭირო სამუშაოები	შენობა ნაგებობების მშენებლობის, რეაბილიტაციის, რეკონსტრუქციის ასევე, სხვადასხვა სახის ინფრასტრუქტურის სამშენებლო და სარეაბილიტაციო სამუშაოები	წყალმომარაგებისა და წყალარინების ქსელების (სისტემების) მოწყობისა და რეაბილიტაციისათვის საჭირო სამუშაოები	ჯამი	ხელმოწერა
1	ზუგდიდის მუნიციპალიტეტი	8 000 000,00	2 500 000,00	500 000,00	11 000 000,00	
2	წალენჯიხის მუნიციპალიტეტი	2 950 000,00	1 316 950,00	150 000,00	4 416 950,00	
3	მესტიის მუნიციპალიტეტი	7 900 000,00	3 000 000,00	1 300 000,00	12 200 000,00	